



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ԲԱՐՁՐԱԳՈՒՅՆ ՈՐԱԿԱՎՈՐՄԱՆ ԿՈՄԻՏԵ

0028, ՀՀ Երևան, Կիևյան 16; Հեռ.(011)27 10 11; E-mail: info@bok.am

N 23-01

« 29 » հունիս 2021թ.

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԵՐԱՏԵՍՉԱԿԱՆ ՄԱՐՄԻՆՆԵՐԻ ՂԵԿԱՎԱՐՆԵՐԻՆ

Հարգելի գործընկերներ,

Ինչպես գիտեք, Հայաստանի Հանրապետությունը վերջին իրադարձությունների արդյունքում հայտնվել է տարածաշրջանային և ներքին կենսագործունեության նոր և հրատապ հիմնախնդիրների առջև: Արդեն իսկ ակնհայտ են լուծման կարիք ունեցող այդպիսի բազմաթիվ խնդիրներ բժշկության, տնտեսության, դեմոգրաֆիայի և այլ ոլորտներում: Առկա խնդիրների արդյունավետ լուծումների փնտրտուքի մեջ, լինեն կարճաժամկետ, թե երկարաժամկետ, էական դեր ու նշանակություն կարող է ունենալ գիտությունը, երկրի գիտական պոտենցիալը:

Տեղեկացնում ենք Ձեզ, որ ելնելով երկրի զարգացման նոր հեռանկարների ձևավորման անհրաժեշտության գիտակցումից, ԿԳՄՍ նախարարության Բարձրագույն որակավորման կոմիտեն հանդես է գալիս նոր նախաձեռնությամբ, որի նպատակն է հավաքագրել **գիտական ուսումնասիրության կարիք ունեցող** խնդիրները: Դրանում անփոխարինելի դերակատարություն կարող են ունենալ ՀՀ գերատեսչական մարմինները՝ մեզ գրավոր տեղեկացնելով իրենց գործունեության ոլորտներում առկա այն խնդիրների վերաբերյալ, որոնց լուծումները գիտական ուսումնասիրության կարիք ունեն: Կարելի է նույն նախաձեռնությունը դրսևորել մեզ տրամադրելով Ձեր այն աշխատակցի կապի տվյալները, ով պատրաստ կլինի

ներկայացնել ոլորտի խնդիրները: Հավաստիացնում ենք Ձեզ, որ ԲՈԿ-ը դրանք կփոխանցի համապատասխան գիտակրթական և գիտահետազոտական հիմնարկներին և կհետևի այդ ուղղությամբ իրականացվող աշխատանքներին:

Խնդրում ենք Ձեր առաջարկները ուղարկել մինչև 2021թ. օգոստոսի 1-ը info@bok.am էլեկտրոնային հասցեին:

ԿԱՆԽԱՎ ՇՆՈՐՀԱԿԱԼՈՒԹՅԱՄԲ՝

ԿՈՄԻՏԵԻ ՆԱԽԱԳԱՀ



ԿԱՐԵՆ ՔԵՌՅԱՆ